

文靖公遺集

文靖公遺集卷六

男景灃孫蔭桓

甲申春帖子詞

霄漢松喬字

雲章照墨林

上年蒙賞霄漢松喬四字

南山賡

聖壽捧

日是臣心

宸藻新傳望雪詩果然霏玉點

彤墀

聖心默與

天心應耕鑿編氓豈得知

流澌已動玉河津飛雪還銷紫陌塵正是東風人日後

柳條梅萼一時新

放言二律用怡神所觀劇韻

清怨誰彈錦瑟絃曹騰搔首問青天叱羊初起驚頑石  
初起黃初平兄跨鯉琴高得大年兩戒河山紛向背一朝周召

各親賢茫茫今古難窮詰遊戲何妨快目前

刀光飛雪劍橫秋醞釀紅酣寫翠愁天上星皆拱北

河中之水向東流

用莫愁曲句

風雲萬變蛟龍戰花鳥三春

鶯燕儔俯仰乾坤同一劇何如高踞鳳麟州

田家四時詞戲仿杜拾遺兩箇黃鵬詩體

杏林野店提壺語桑葉山村促杼聲  
曉日三竿澄夜氣東風一路喜春耕

楊柳陰濃梅子雨芰荷香靜稻孫樓  
披襟間拭江心鏡放眼神怡天際舟

一天風露團欒月萬寶篝車笑語時  
桂粟菊英饒古意碧山紅樹寫新詩

瓊瑤白豔農田雪楮柚紅暄野老家  
歲事千祥斟柏酒天心數點悟梅花

鑑園主人和田家詞四章並侑以霜橙諸物賦此

致謝

青鳥銜詩下太清芬芳充溢豆花棚團樂風味湖湘品  
重疊雲腴鼎餽烹

北極星杓通

御氣天厨分惠銘泐何極東坡玉糝笑陳羹雅音更聽鈞天奏遠

邁王喬緱嶺笙

甲申季春中旬作

邯鄲一枕笑恩恩年近耄期心自童魚藻關懷仍

北闕鶯花滿眼又東風釣鰲乏術慚龍伯失馬澄觀等  
塞翁寄語同升諸碩彥不須咄咄學書空

可園卽事

今額  
繼園

野趣浩無邊，名園結勝緣。  
綠亂紅三月，雨濃翠一溪。  
煙雅詠詩誰，和狂歌酒欲顛。  
益堂姪飲甚豪陶陶兒輩共，  
星姪澧兒等皆從無事卽神仙。

喜傍

鳳城邊，雲霞契素緣。  
山花明曉日，溪柳醉春煙。  
我自懷元亮，人誰謔太顛。  
卓然吟五斗，  
飲中八仙焦遂居末  
益堂姪毫邁近之美

煞飲中仙

極樂寺雅集疊可園五律韻

佛理澈中邊，招提淨俗緣。  
花鬘馴竹徑，松鶴避茶煙。  
境

僻塵俱寂神忘語或顛團樂多樂趣人訝地行仙

須彌日月邊人物等撞緣游行來名刹蒼茫拂野煙圭

峯裴令契

寺僧樸野頗有山林氣

錦里放翁顛

寺以海棠最名以星姪有海棠顛句

故渾用之

列子風能御飄飄意欲仙

是日風力極勁

極樂寺壁間有楚北盧君

璣采

弔故明李文正詩

因步其韻

明代貂璫肆斐斐斗山聲價詎能低陰扶善類撐朝右

雄據文壇耀隴西時事曉枝蝴蝶鬧

風定曉枝蝴蝶鬧宋韓魏公句明亦

似之鄉關春草鷓鴣啼畏吾村古仍祠廟

祠在廟前煙冷松楸

榆棗梨

讀悅心集有感疊季春詩韻

贏得清幽謝遠恩  
掃花時復課山童  
梨雲夢醒紅窗月  
絮雪香吹紫棟風  
洞壑喜聞羣玉府  
池塘笑對信天翁  
悅心

御訂

宸謨遠

集爲 憲廟選訂  
武英殿板行天下展讀全教俗慮空

用小游仙體步 醕邸元韻

偶趁西山麋鹿羣  
藥苗香處訪桐君  
澗泉滌俗寒噴玉  
石磴盤空高拂雲  
蕭寺每因鯨吼得  
輞川無復豹聲聞  
遙天笙鶴瞻緱嶺  
習習仙風總郁芬



十方普覺寺

憲廟鴻文日月光穹碑百尺燦琳琅神游坐臥融行住

劫厯元明溯宋唐智慧海宏開覺路

原名兜率永安等今改普覺碑文極

爲詳核

娑羅樹古發天香

殿額雙林窳境寺僧謂指娑羅雙樹乃

宸翰云

寒山

拾得知何處擬訪希夷問睡方

再疊前韻

佛火光瑩舍利光石泉汨汨韻琅琅誰求駿馬如支道

眾愛繁花笑李唐

牡丹花事已闌故云

二老風規留翰墨

僧房有梅谷二

兄楹帖貴雲溪太夫子七律

五華雲氣護馨香獨醒不是如來意示

我圓通泮泮方

靈光寺偶成

成化精廬啟靈光寶額顏幾灣清淺水千仞翠微山樹  
瘦蟠虬古庭空老鶴閒野僧天趣足燕子語梁間

避俗來初地恭王殿巋然塔鈴風自語池水月常圓滿  
洒眉山老清和首夏天野花迎我笑隨處悟真禪

碧雲寺口占

香山稱峻極古刹鬱峇堯流水噴雲竇飛虹巨石橋巢

居猿鳥狎日暮鬼神朝歎息朱明事何人縱寺貂

前明龍信

寺宦蹂躪朝士刻剝生民若輩富饒廣建刹宇幾徧西  
山純廟製碧雲寺碑文興歎剝切垂戒殊深遠矣

題碧雲寺塔用朝鮮李熙璇韻

慧業胥由道念成阿誰石上語前生仙邀太白醒仍醉

人到精藍濁亦清八萬四千撐寶地

阿育王造入萬四千寶塔以鎮地維

此塔方之渺矣

九重三五仰瑤京掀髯大笑浮雲外芥子須彌

早證明

原詩甚不出色故概以調語出之

小游仙仍用前韻

手栽松竹翠陰成池沼蓮花取次生三素雲高仙境闕

軟紅塵遠道心清織梭日月旋珠斗拂袖煙霞喜玉京

見說任公垂釣速盡收瀛海作昆明

五華寺口占

壽安山下路幾曲到叢林積翠開屏嶂飛泉鳴筑琴嶺

雲人影峭澗石虎牙森頓覺天張解蕭寥太古心

五華山謠仍用普覺寺韻

天風水樂振聲光隱約靈璈奏八琅鬼谷離奇懷李泌  
仙才飄逸問曹唐流鶯選樹神偏暇大蝶衝花影亦香  
一片野雲隨去住乾坤寥廓任圓方

五華寺再疊前韻

偶來猿鶴境蘆蘊蔚成林芝圃千齡藥松風一曲琴野  
人敦古樸樵路接蕭森宛在羲農世悠然黃綺心

望西山大覺寺登眺未果戲成一律

金主龍游清水院

寺本金章  
宗清水院

玉霄鶴訪白雲公

滕玉霄  
訪白雲

平章於西山不遇因有  
後夜月明騎鶴來之句  
繫余迹阻緣塵障且託仙游藉  
夢通曲沼萍魚高下碧  
沼有朱魚盈尺者  
香林花鳥淺深紅側  
聞海客時來往一笑忘機任轉蓬

小飲花之寺和張溫 and 公原韻

韋杜城南多勝地花之寺古亦甘棠高僧學邃饒風韻

寺僧以詩

豔婦苗新裏露光

花王閣詩有開徧空山綠豔婦苗句蓋野花名也

花爲業

蠶一樽香萬斛

與益棠月汀兩姪談飲甚樂

黃鸝百囀木千章老船

地下應狂笑笑我揮戈效魯陽

臨去過僧房始見詩給之作日已夕矣故云

豐臺閒步

兒輩從游步履遲

益堂月汀兩姪均從花之寺來

豐宜門外景偏宜樹

多美蔭禽聲樂花不知名  
蜨夢癡兩部笙歌傳社火  
人  
豔說六月一卅年樽酒慨荆枝  
昔饑月舫六兄於花蒼  
日中頂廟會之寺距今蓋卅年矣  
茫綠野饒天趣裴令名園匪我思

草橋訪劉隱居

習習趁薰風飛橋跨綵虹  
彎環行葦路延訪賣花翁  
槐柳森門巷階除絢紫紅  
田園秦故邑雞犬漢新豐  
山色虛無際泉聲笑語中  
鶯啼馴左右蝶影逐西東  
雅稱烹茶興因知種樹工  
陶然無限趣歸詠學村童

醕邸前有珍果之賜今復惠以珍饈佳藕走筆致

謝率成二絕句

文杏含桃絢赤霞清芬頌白

上清家溫泉雪藕尤珍異玉井香吹十丈花

天厨珍品

賜親賢惠澤旁敷雲水仙自笑東方饑曼倩霞漿丹粟  
飽頻年

鄂立庭都護得子誌喜卽步其韻頌之

石麟天上有聲威今入懷中玉燕飛八代箕裘眞赫濯  
自阿文勤公遞傳代  
有偉人非世所及三公門第益光輝蒼生異日關嘯  
笑赤手仍期拯溺饑握印提戈同武惠豈惟一品炫朝  
衣

白石莊可園小集雨中作

鼎臣閒倚玉闌干

唐盧綸句

才子盧綸笑語歡

綸爲大慙十才子之一

賢輔昨聞同軌轍

禮郎聞昨到此

良辰今我快盤桓

兒姪女孫等同來快

甚

碧雲翠潤亭臺古綠水香深荷芰寬細雨更欣增颯

爽全將塵夢洗邯鄲

水村山郭景咸宜蘆荻成林柳漾絲飛瓊喜頻名酒酌  
披襟無限好風吹李紳詩感日當午杜甫文驚雲下垂  
國願年豐人極樂雨聲瀟灑興淋漓

歡然儘日倒金尊麗澤門西薛荔門人聚竹林誰作客  
地多楊柳自成村朗吟笠重吳天雨

微雨時作時止  
大似黃梅天氣豪



舉杯澆易水魂醉墨狂揮兒輩笑激昂清氣滿乾坤

酹邸惠佳桃並附以詩卽步元韻致謝

手捲拋書北牖涼瓊瑤捧讀味深長慚餘野叟煙霞氣  
喜證詩仙冰雪腸嶺海風高思破虜峨眉月好照平羌  
蟠桃更感雲天賜豪興綏山接混茫

荷花生日南廳小飲在坐者爲錫厚庵鄂立庭兩  
都護紹葛民布政高少良秋曹灃兒星姪均侍  
偶成七律以代日記

雅集蕭齋笑語頻妙蓮清淨證前因一庭花竹團香靄

諸友劉盧話世親

厚庵立庭葛民均有親誼

世味淡忘書味永天懷

夷曠酒懷真達夫詩境今何似喜說文章有替人少十通家

以其姪和子春暮詩見示且云可望選拔可書也

紹葛民世講約飲十刹海酒樓

賓主騰歡醉玉觴樓臺清迥俯銀塘高低楊柳煙同夢  
紅白藕花風作香天外雨催詩客興眼中沙笑路人忙

翻用東坡語也

無心最愛聞鷗鷺流水行雲任集翔

和齡儀部伯與七律

文愛歐蘇詩杜韓書香花韻快憑闌名山何處煙霞窟  
太古徒聞雲鳥官避地巢由洵履潔救時姚宋亦才難  
茫茫千載知音是合向鍾離問大丹

七夕

是夕陰雨

金鍼爭欲繡鴛鴦機巧紛紛乞上蒼海客或疑張博望  
星娥偏福郭汾陽絲綸慧業嬋娟夢瓜果新秋俎豆香  
螢火蛩聲撩綺思牽牛花外碧雲涼

東園雅集疊 醕邸韻七律二首

藻采騰香雞舌含飛仙妙境幾人諳林端鶴語醒塵夢  
筆底龍游助雅談晴雲梅花高士榻慈雲貝葉梵王龕  
清風兩袖邀明月共領盧仝茶味甘

龍文百斛寶光含意蘊尋常豈易諳世外煙霞誰靜契  
庭前風月亦名談天閭雲煥黃金榜斗極星輝白玉龕

嘉惠頻叨慙感切

御厨珍品又分甘

恭和 醕邸壺字韻三律

朝隱何如隱市壺壺天清曠列仙圖丹書自古尊昌戶  
赤舄維公頌碩盧韶樂鳳儀聞響答宮聲牛窈辨精粗  
陶然願醉升平酒葵雉尋常任有無

年豐稼穡美瓜壺人在幽詩古畫圖但使精強同膽識  
何憂疥癬暫皮膚銀河甲洗星弧朗玉壘秋高風角粗  
聞說

軒皇資力牧蚩尤毒霧掃應無

天界誰投玉女壺億千場笑快鵬圖側聞說士甘於肉  
竊喜敲棋功奏膚篠蕩瑤琨聲晃耀芭蕉梳子葉肥粗  
露雷風雨乾坤力力殄妖氛孽自無

百望山途中口占

北門鎖鑰控神州百望平臨豁遠眸山翠疊雲晴倍潤  
草香近水韻偏幽參差燕影千村社斷續蟬聲一路秋  
父老恬熙民氣樂紅梁紫稻話全收

大覺寺恭次 醕邸紀游原韻

黃昏到寺踏蒼煙此亦人天歡喜禪翡翠四圍青嶂壁  
珍珠三疊碧峰泉

領要亭前有  
三疊瀑布

雁王鹿女超塵界魚躍

鳶飛悟眼前自笑鈍根參佛意拈花一笑破言詮

詩魔降服亦云云戰敗休羅十萬軍雲外遐心人共契  
山中秋色我平分青松白鶴皆真趣翠竹黃花有異聞  
金粟如來慈惠溥月明桂子散濃芬

裝僕來遲以紀事

曉發深宵至童奴底糾纏薜蘿山鬼語風月野狐禪據  
人云界屬冷泉向似阻藍關雪虛勞祖逖鞭屢易生力  
有狐鬼阻滯之說不驟馬鞭之前浮雲供一笑飛躍任魚鳶

溫泉卽事

小住賜臺快勝游溫泉古刹試句留滌塵仍抱三春氣

濯足權當萬里流，澗石昌黎同蹙踏。滄浪孺子任歌謳，  
帝都靈境多鍾毓。不羨驪山頂上頭。

大覺寺口占

清水遺踪溯舊聞，我來頻此挹清芬。光昭奎壁

璇題煥

列聖御筆甚多欽仰何極

神靜瞿曇寶篆焚，曲壑泉聲晴

作雨間窗月影樹，成雲連朝颯爽如人意。秋色郊原已  
十分

勝果寺未克往遊用星姪韻

南高峰接北高峰，靈隱曾虛飯後鐘。

戊午歲主試浙江靈隱僧設齋供子

以雨阻未能如約至今耿耿

勝果寺今游屐懶山門一任白雲封

老奄聞同退院僧塵心滌盡道心增池魚見說叢林好  
何事牆頭置網罟

澄觀山後併山前感配端應似輞川勝地證成羅漢果  
修爲誰抵右丞堅

前亦中官王槐所憇豈  
摩詰之流派耶一笑

瀑布三疊

大覺寺流泉自龍潭出循領要亭前下  
注寺僧疊磴道三折水聲益壯頗娛耳

目

飛瀑下層巔琮琤夏鳴玉領要古亭高石磴盤能曲界  
道煥霞標倒影松篁綠

院塔千秋

大覺寺南盤道里許奉  
師建其法裔亦或附之地幽局整宗門

勝蹟



路峻暘臺山雲護伽陵塔

憲皇佛如來機鋒參響答渺矣清梵聲野塘聞吠蛤

蜂房表異

方丈檐下蜂窠大數升許作雲水紋奔奕有光僧曰此人頭蜂也殆以其窠形

名之面竅七數亦相符

檐端安樂窩飛鳴金翼使面竅其數七楫圓形恢詭蜂  
王問爲誰禿髮猜疑是髮七而絕無毛髮故以涼王禿髮氏戲之僧云前殿舊有此種

今再見矣

蘭實秋榮

京師玉蘭向皆花而不實方丈前二株茂密蓓蕾外垂實纍纍鳥頸森森亦罕

見也

蘭馨慧遠家筆綸文通夢子結幻鳥形風來訝清唳卻

笑羅浮梅綠毛倚么鳳

佛上人言蘭是慧澈師圓寂時  
几前供奉物後置階前遂爾茂

山中偶成

老樹無風恬鶴夢空山有客聽  
後吟間中喜與高僧話  
古貌淵然證古心

聞說巉巖疊翠屏紫芝白朮盡  
含靈飛仙難躡樵夫笑  
且步松根採茯苓

大覺寺石橋望月

完顏宮苑久荒蕪額改靈泉國  
氏朱鐵鳳摩雲峰影直  
石鯨噴雪水聲粗登臨每覺螭  
坳峻老健仍須鳩杖扶

向夕更教詩興發四山涼月浸冰壺

再疊前韻

松柏青蒼接碧蕪杏花村店說陳朱天垂銀漢龍湫闊  
地湧珠幢鴨腳粗怕聽雨鳩呼婦鬧戲馴巖鹿作童扶  
鹿馴巖下當童扶古句也辭意俱新山僧更約茱萸會擬醉霜螯酒百壺

述懷恭步 醕邸原韻

無邊爽氣與神謀玉笛聲飛起暮愁落日杜陵歌出塞  
臨風王粲賦登樓官橋楊柳仍青眼野渡蘆花點白頭  
齊傅楚咻今古恨有人深念薛居州

副憲陳荔秋同年回籍詩以送之

九萬鵬程雲水寬使星光耀劍光寒神仙舊住珊瑚海  
侍史新辭獬豸冠甲冑羅胸君鐵石丁年同譜我金蘭  
鱸魚正美征鴻急深冀重來證古歡

賞菊同牟朵珊作

滿城風雨秋光老無雨無風秋更好廓然天宇開澄清  
瘦草零葩淨如掃卓哉壽客雄奇姿黃嬌紫姹交紛披  
傲撐青女霜三徑香韻白衣酒一鷗亦香亦傲相輝映  
佳節催人理觴政是糕千古笑劉郎繞籬幾輩學陶令  
朵翁牟國之裔孫才高畢卓傾金尊十千醪酥海波瀉  
八九雲夢心胸吞子也疎狂君定恕朗吟鸞鳳同翔翥

月華滿地秋淺深徧問菊花花欲語

可園九日登高

淡雲輕靄釀重陽兒輩追隨興味長糕字率題青鏤管  
蠍螯肥佐紫金觴四山紅樹秋光湛三徑黃花晚節香  
最喜催租人斂迹連村歲事說豐穰

過五塔寺口占

凌雲五塔仰嵯峨尺五天應近大羅閱歷露雷風雨徧  
神奇八萬四千多悟來貝葉皆虛幻修到梅花幾琢磨  
浩劫茫茫何處問憑高隨意且謳歌

靈鷲庵訪佛果上人不遇

夕陽遠近愛秋山欲解禪機叩竹關境悟樂天欣日永

僧當退院等雲間

佛公本大覺方丈今退間矣

塵縱落落人何處野

草離離徑未刪返舍卻逢嘉客至快談禹鼎鑄神姦

返舍

適宋文山至暢談東省案件痛快之至

### 園梅已花喜而有作

喜聽園丁報寒梅取次開故人如有約芳訊恰先回綺閣東風韻遙山淡月來更欣松竹共乘興且銜杯

### 清夜吟

菖蒲翠冷石橫斜陶令詩篇顧渚茶明月滿階仙鶴睡菊花影瘦逗梅花

蘆花插瓶戲成絕句

西風吹雪老漁家秋色無邊愛葦花  
幾銅瓶閒位置何妨玉樹倚蒹葭

蕭疎風趣美陶家紫豔黃新菊有華  
秋水溯洄神更遠感深白露詠蒼葭

醕邸以王瓜香橙見贈並系以詩卽步元韻

小草欣欣仰太陽笑同都散漢雲房  
瑤琨昨感嶰山雪昨因微雪錦繡今  
窺李賀囊投贈久疏青玉案珍奇又  
有詩一律  
既紫瓊霜清芬滿院天風細異品驚心拜

上方

醕邸以迎春花持贈詩以致謝

使傳青鳥語溫存嘉植雙株豔照盆  
幾曲鐵蟠仙骨勁千花金簇佛牀尊  
滿庭旭日晝成錦夾路東風春到門  
珍重句芒神護惜旁觀傾倒玉梅魂

長至前二日掃墓歸途口占

月脇天根費討尋詩懷棖觸蓼莪  
吟夕陽鴉背紅高下老樹虬枝碧  
淺深紫氣東來雲浩浩朱陵拱北  
笏森森歸程無限低徊意恍惚移  
情感素琴

冬至偶成

履祥進鞮古風傳長至端居令節  
先竹葉斟香歡永夕



梅花比瘦笑頻年  
葭灰繡綫蒸騰地  
味淡聲稀靜穆天  
最喜兒童多興趣  
消寒圖挂綺窗前

和 恭邸元韻二首

楷法端嚴勝率更  
清詞麗句恍天成  
金貞玉粹三唐傑  
沈芷湘蘭萬古情  
信有珠璣生欬唾  
皎然冰雪競聰明  
詩仙詩聖誰儔匹  
未許旗亭畫壁爭

亂點蝦蟆報曉更  
笑同擊鉢課詩成  
案披芸葉香無限  
窗倚梅花淡有情  
烏鵲巢寒霜樹老  
斗牛宮遠月波明  
鏘然韶濩聞

大樂郊島輕才孰與爭

靈鷲庵訪佛果師不遇用太白訪戴天山道士韻  
鴉噪凍雲中霜花拂砌濃巷深疑虎落屋老臥鳧鐘飛  
錫應幽壑斜陽又遠峰停輿此過問驚鶴起高松

景大司農以所摹元秘塔碑見贈并系以絕句二  
首和以致謝

奎畫分光梅使傳縱橫薤倒復針懸柳家新樣渾依舊  
恍見光和唐紀年

司農聲價耀球琳快覩蘭亭虞褚臨從此藝林添盛事  
盡卑東箭薄南金

瑞雪應時詩以誌喜

三九初交雪應時元冥鞭策起龍螭重霄雲凍瑤臺月  
六出花團玉樹枝維霰早徵先集兆有年合頌屢豐詩  
山翁狂喜

天庥至梅影香傾金屈卮

再疊前韻

滕六威靈震及時指揮風虎走雲螭冰心一片澄湖水  
玉葉千林美蔭枝數筆叢蕉摩詰畫萬家宿麥大蘇詩  
消寒更爲農田慶火炙黃羊酒滿卮

文淑平姪婿補大鴻臚得句致賀

崔盧姻婭喜英姿况是珊瑚鐵網枝

叔平係乙丑所得士鳳閣簽

新唐制誥鴻臚典肅漢官儀紀年十八登瀛早讀禮三  
千顯宦遲雜霸氣除消執拗不偏不易樹宏規

放言一章

何人妙手號空空掣電奔雲劍吐虹望礙全無觀自在  
癡聾兼有阿家翁高山流水徽音遠啼鳥飛花興味融  
一片化機誰領取仰觀俯察地天通

酹邸以雪詩見示走筆和之

雪花最好趁梅花寒影紛綸疎影斜南畝夢魚歡禹甸  
西湖放鶴羨林家何人老屋斟郫酒幾處空江理釣槎  
一曲陽春誰繼唱如天詩膽笑劉義

醕耶詩來并賜果品熊魚卽步元韻致謝

絲筆紛披五色花詩情梅態共橫斜同欽藩輔今元聖  
遠邁韓蘇古作家芳醕品疑分月桂珍奇來恐自星槎  
老饕更醉平安酒爲賀新擒陳野义

越南臺灣均有勝仗

立春日作疊前韻

廿四番風釀萬花暖香冷豔整兼斜芙蓉別院鵝兒酒  
楊柳連村燕子家紫陌紅塵驚遠道雲階月地夢仙槎  
名章頻錫添佳興玉躡金題照畫叉

答拜阿拉善王途次口占

飛雲耀紫駝古套捲黃河佛慧榮昆弟

王弟有爲呼圖克圖者朝

班響珮珂

王係年班來朝

旄牛龍塞遠花馬虎鹽多

所部池鹽為利甚溥

雅度饒文翰高風敕勒歌

王曾索孽窠書雅甚

王爾玉侍讀

邦璽

因事鐫級詩以言別卽步元韻

屬車聯袂豔雞翹指顧鵬程接紫霄金虎幸瞻紅日近  
銀魚翻致碧山遙聽聲鶯誤林間友望影猴嫌棘刺雕  
岑寂小窗花畔坐喜看雋句耀詩瓢

磨蝎宮分南斗光迢迢銀漢隔紅牆每疑天上星辰侶  
偏曲人間錦繡腸辟穀我今甘石隱采芝君或救年荒  
相期共食神仙字笑說詩書興味長

醕邸有珍品之賜詩以誌謝

璇宮管領大羅仙，嘉惠偏優老偃佺。  
蟾桂熊躡高品格，玉芝金橘鬪芳鮮。  
馳依鳳翥鸞翔地，抃舞光風霽月天。  
擊壤康衢春浩蕩，野桃含笑喜新年。

客談白雲觀詩以示之

樓閣崑崙巖，巖麗譙白雲飛動鶴。  
迢遙神仙誰遇張金箔，蹤跡空疑滕玉霄。  
鍾呂高風分道統，觀有儒仙殿元明流水

溯前朝都人燕九紛徵逐，爭及梅窗興味超。

醅邸寄示雪詩並以

御賜黃花魚贈賦謝

快雪時晴逗嫩寒，烹茶香品小龍團。

天廚分惠驚魚美石首稱珍壓膾殘  
溢語感深春日永  
英詞和愧夜珠難  
用宋之問晦日應制詩自有夜珠來句意  
遙知詠絮家庭  
樂不數風流晉謝安

醕邸用放翁安得此身無一事句爲轆轤體四絕  
見示因變其體以和之

安得此身無一事陰晴春色任朝昏  
東風楊柳靡蕪地  
流水桃花薜荔門

安得此身無一事奇峰徙倚夏雲多  
金瓶芍藥明朱檻  
玉沼芙蓉漾綠波

安得此身無一事澄清快挹九天秋  
黃雲市野香炊玉



綠酒盈樽月倚樓

安得此身無一事冬山如睡隱山家野雲老屋千竿竹  
晴雪疏梅萬樹花

卽景

曠懷歲月任駸駸俯仰乾坤付朗吟鬪草風光無定局  
養花天氣有微陰鳶飛魚躍頑仙筆流水高山野客琴  
靜坐掀髯成一笑谷鶯樹頂似知音

文靖公遺集卷六終

文靖公遺集卷七

男景禮孫蔭桓恭輯

清明

花朝纔過接清明錦繡年華天玉成

二月十九日清明節

紅杏碧

桃香野徑淡雲微雨畫春城壺觴幾處聽鵬約簑笠連

村叱犢耕今古茫茫供嘯詠齊人妾婦晉公卿

齊之墦間晉之

綿上可慨也夫

卽事書懷

乳燕嬌鶯自在吟綠陰如畫任晴陰嫩寒似勒春光駐

韶令偏宜夏景臨

三月二十一日立夏

丁卯詩情多野興庚申花

影入仙心超然物外皆天趣笑對無絃彭澤琴

可園小酌卽席口占

薄曉濃陰卓午晴園林淑氣宛相迎翠涵流水楊枝潤  
紅綉斜陽杏粉瑩綠野堂懷裴令宅藍田莊豔杜詩名  
家庭團聚歡無極快酌葡萄飛兕觥

醕邸心泉貝子飲於海粟園次日東呈

蓬門自笑野人家欣迓高軒興趣賒

禁籞屏藩欽肅穆詩書氣味仰清華醞酬甘露千鍾酒  
棠棣春風萬樹花慚頌拾遺粗糲句德星光耿斗杓斜  
曉赴潭柘詣岫雲寺用金釋重玉韻

西山朝爽夏如秋

前一日  
立夏

笑指名藍逞壯游蹟古晉唐

昭日月

晉名嘉福  
唐名龍泉

功收雷雨話龍虬寰中久厭風塵狀

方外閒尋道釋流擬向猗玗亭畔住

聞曲水亭  
地極清曠

無須表

聖羨休休

### 桑乾謠

蘆溝橋獅鏤刻精蘆溝河水莽縱橫濁流洶湧清流淺

曉月蒼煙拱極城

### 至栗園莊作

昔吟嘗果栗園開今日春游勝地來山路紆迴雲樹合

榛苓寄興此低徊

宿岫雲寺七律

重疊松關鎖竹關，萬峯絕頂此名山。  
不知有漢桃花笑，旁若無人燕子閒。  
晉代潛龍真佛果，用華嚴感龍事姚家病虎  
亦仙班。山有姚少師祠塵氛何待靈犀辟，時聽天風響珮環。

潭柘雜詩

曲水碧澄鮮，流觴任自然。  
蘭亭風趣足，不數永和年。琦

亭

無限清虛氣，軒窗四面開。  
悠然何所見，山翠撲人來。延清

閣

山水湛清暉，山花錦繡圍。  
蕭然無箇事，胡蝶傍人飛。

兒女共班行端嚴古佛旁奇哉元帝后千古寄慈航音觀

殿塑元世祖像及太子公主肅侍几前殿額係高宗御筆曰蓮界慈航

琢硯有山岷居然紫石瑛距寺數里有紫石山塘畧存渾古意何

論舊新坑

貝葉滿經廚談禪闢野狐慈悲忘物我馴擾及鼯鼯僧房

或養松鼠  
跳擲極馴

瀲灩繞階鳴泉聲作雨聲松篁同一綠縹緲化人城清涼

世界小  
作爲佳

山鳥語交交音諧鐘磬敲松巔雲護處云有鳳皇巢

經姚少師祠有感

三十年中餘殺運英雄羅漢共勳班鶯花零落南朝寺  
樓櫓謳吟北固山燕邸規模洵赫赫高皇涕淚定潛潛  
我瞻遺貌懷前哲諸葛祠堂亦蘇斑

龍潭閒步卽事口占

碧水澄潭混太虛錦鱗游泳氣舒徐野花撲簌仙風引  
疑是琴高赤鯉魚

峩眉山月岱宗雲管領龍潭僧不羣議論風生魚出聽

鄧巴鼓瑟理曾聞

龍王堂主僧林森由齊魯燕代愬游江浙所未至者衡嵩二嶽耳言論侃

侃卓爾不羣亦可喜也故及之

曉起

倦傲柳三眠俗滌塵百斛窻曉訝朦朧野雲檐際宿  
喳喳叫山鵲似話花開落我欲問莊周人與蝶孰樂

呂仙殿絕句

倚松恬澹仰

仁皇

倚松四字額  
聖祖御書

一院松陰九夏涼笑指邯鄲驢背

客輓紅塵裏夢黃梁

和壁問鄂工部恆贈僧恆慈韻

峯嶺翠迴環禪扉寂不關雲霞仙淨域龍象佛靈山花  
韻蜂衙靜松深鶴夢閒詩情尊水部光怪照人寰

旋自歇心亭小睡卽醒欣然書此



曲澗水泠泠山高石氣青超然忘俗慮宜額洗心亭在地

寺外東北境極幽曠游人李搏霄題榻間有題作風泉洗耳亭句詩意亦佳余故因其本名而小易之

水竹界清涼午夢霜侵臂似現老松身寒倚梅花睡

禪院卽事

是日有飯僧之舉

曲肱一枕夢崆峒身外浮雲聖魯東施語龐鴻堯舜病  
聲歡遙駿澤山通人來人去今仍古花落花開色是空  
短偈思銘峯頂石心光高炳日輪紅

村人獻鷹雛留之戲成十六韻

野客穿雲來云探荆榛穴手獲鴟鵬孫迥與凡鳥別置  
之階庭前歡呼兒女悅其形龐然大有聲幽似咽毛毳

漲彭亨嘴爪森瓊鐵首凸猴蒙茸目閃鏡飄瞥恐非摩  
空姿徒滋肉食孽或謂此鴝鵒性情極饕餮矯捷殘鷹  
鷗文采匪鷓鴣驚我意姑畜之比諸鷄鶩列果爲鷓鴣儔  
收功彰武烈卽是老馴狐亦可妖氛滅譬古墨君和醜  
墨傳忠節儻彼肆騰擲縱使歸煙岳旁觀軒然笑喜不  
嗤頑劣雙雛似有知點頭頻蹙蹙

星姪歸自戒臺厯話游蹤欣然賦此

慧聚前朝寺傳聞結構牢松風香閣冷花雨石壇高僧  
有鵝頭異恩多鳳闕叨游踪歸雅話馳想快詩豪

鷺嶺晚霞明禪關說送迎野煙迷古戍山雨促歸程手

筆凌雲稱腰輿趁鶴行  
阮咸渾不俗松竹寫幽清

山中偶成

行雲流水趣蕭閒  
境在千巖萬壑間  
鶯語喬林音倍好  
虎蹲怪石性常頑  
得朋隨地開三徑  
窺豹何人見一斑  
聞道神仙修可冀  
令威飛去看飛還

再疊前韻

鎮日身閒心亦閒  
栖遲蘭若竹林間  
喜聞梵唄風泉雜  
笑看兒童木石頑  
鴟鵂春紅杏雨蝸牛篆字碧苔斑  
眼前景趣開靈悟  
夢與仙雲數往還

步郭潭柘山五律韻

古刹偕雲宿奇峯捧日遙

黃叔琳有潭柘捧日峯詩

芋煨慚李泌竹

伴學山濤

猗玕亭南北皆竹

濁酒花三月清泉柳一瓢仙風時

縹緲蓮座萬靈朝

懷遠虹橋路登臨幾百層煙霞諸佛塔雲霧六朝僧手

杖屨飛錫

入山以來行輒杖屨

心傳仰慧鏡

慈雲上人頗有道氣

消磨塵世

慮未敢語三乘

鳥愛嘖伽妙言誰公治通水光飛瀑白花影出塵紅采

藥宜餐柏眠琴或夢松

松字押入東韻與今佩文韻異姑仍之

招提天闕

近佳想拾遺工

猗玕亭牡丹盛開戲成一律

地僻招提境風香富貴花四圍澄翠靄一色燦紅霞雅  
稱金銀闕全勝劉阮家清平歌古調閒冷亦豪華

山寺卽景

乾坤浩蕩任行藏深喜閒中日月長木芍藥開紅潤玉  
野蝴蝶鬧粉生香移山欲闕愚公谷造塔誰追阿育王  
一笑和凝衣鉢舊清鐘時送枕函旁

潭柘口占

不覩千章柘惟餘百尺潭風雲龍子宅花鳥雀兒  
蹟穹碑侈奇聞野老談低徊如有悟彌勒擬同龕

金碧耀

恩輝西山拱

帝畿桑麻青被野松楸翠成圍

鳳輦尊

巡幸

龍綸振式微汪洋功德水常見五雲飛

旋自潭柘途中四絕句

煙村如畫柳絲絲紅閃斜陽入好詩松火隔雲山犬吠

喜無人問子爲誰

晚宿  
栗園

乳鴉唳曉綠槐高麥浪青翻風怒號疑是仙靈勞送別

四山雲樹響蕭騷

奉福  
曉發

鵝黃鴨綠水盈盈底事柔乾勢不平波浪東西消長幻  
可知永定負嘉名

禾稼連阡接隴生黃雲先兆綠雲平兒童歡喜還家早  
齊指都門話阜成

醕邸以睡起詩示卽步元韻

棲心農圃老樊遲寄興菱歌舞柘枝兩袖清風全滌暑  
萬家好雨慶知時江城雅稱梅花笛巴國誰參橘叟棊  
聲震扶桑

天福仰片雲頭上又催詩

再疊前韻

憶步花輶較速遲蝶衣曬粉賞花枝鶯梭燕翦紛囂外  
冰李泉瓜淡定時蓮社風香名士酒松陰石冷列仙棊  
星弧昨夜觀乾象洗甲天河好賦詩

醅邸饋鱗魚並綴以詩步韻答謝

鱗甲晶瑩四月鮓高懷遠邁李侯詩蘆芽荻筍馨香甚  
傾倒尊前白玉卮

喜雨七律敬次 醅邸元韻

聖朝恩澤沛宏深十日期符三日期霖用協濟川超傳說  
頌兼甘露隘蕭欽

蕭梁時蕭欽有  
謝甘露頌啟

冰桃雪藕神仙福玉

粒金穰農圃心喜聽成連傳雅操移情滄海暢幽尋



淨業湖僧寺坐雨詩贈鍾華上人

湖臨淨業訪僧棲  
滌盡炎歊雨腳低  
風擁黑雲山潑墨  
煙迷綠樹水平隄  
天公策勵嚴龍耳  
莊叟逍遙任馬蹏  
卻笑虎溪人送客  
芒鞋香踏落花泥

醅邸以雨後律句見示敬次元韻

閒身紗帽隱囊便  
散步清池老樹邊  
幽谷友聲來好鳥  
薰風琴趣感新蟬  
逍遙萬里雲鵬意  
洗滌三生金鹿緣  
喜雨亭中開綺席  
海疆同快淨烽煙

聞與心泉賢藩  
共酌何羨如之

徐壽蘅同年見訪東園清話

雲勢湧奇峯  
閒階花影重  
陂塘聞吠蛤  
節候紀分龍  
月

十三  
日 瀟洒風痕爽空濛雨意濃  
故人多道氣杯酒話從容

蓮花池小集口占

槿籬茅舍水周環獵獵蒲風消夏灣  
放棹路寬萍藻合垂綸人遠鷺鷗閒  
酒懷仙府金莖露詩侶家庭玉荀班  
益堂月汀兩姪均能吟詠勝地遨游豪興足  
蓮花十丈俯塵寰

再疊前韻

山勢縈紆水勢環白沙隄埂綠楊灣  
蒲蘆得地疏兼密魚鳥親人忙亦閒  
曲稱湘江瑤瑟奏夢回闔苑玉宸班  
詩心萬斛青蓮朵花落花開小宙寰

十刹海酒樓對雨小酌

雨氣蒼涼風力道

鳳城佳處快清游  
靈臺靈沼周文圃詩  
聖詩仙謝眺樓  
楊柳四圍天影碧  
芙蓉萬頃露華秋  
枚乘七發能醫病

笑對金樽疾已瘳

時暑疾小愈

醕邸以

御賜餽饌分餉詩以鳴謝

南極星輝拱

建章

天廚星采更分光  
隆平寰海魚鹽靖  
調燮元元公鼎鼐  
香

火棗交梨珍

玉食五風十雨告金穰康衢鼓腹歡無極頂祝

堯天舜日長

謝 醕郎餉園果山蕈五律

閬苑出蘋婆天花玉盪磨仙心丹訣妙雅脫白雲多別  
具煙霞氣彌牽文字魔晚涼添逸興風露澹星河

醕郎餉果蔬六榼並系以詩敬次元韻致謝

生金生粟切民謀

詩內軫念民  
災極爲懇摯

物理旁參鳥養羞聽唱

黃雞歡野社喜無白馬誤清流英光萬丈豐年玉古雅  
千秋寒具油珍果嘉蔬叨厚貺感深後樂泯先憂

康衢野語仍疊前韻呈 醕邸

白雲青嶂與心謀  
柏子芝英佐庶羞  
千古梟鸞紛月旦  
幾人巾扇話風流  
濯纓歌愛滄浪水  
破壘材儲猛火油  
俯仰乾坤欣泰定  
曠然何懼亦何憂

和 醕邸七律二首

帖愛黃庭槍綠沈  
千秋悵望感懷深  
雲歸仍挾飛仙氣  
山靜常存太古心  
喜見村農談稔歲  
時聞林鳥送佳音  
承平更仰東平樂  
玉色珠光照雅吟

泉石膏肓等向禽  
凱旋逃聽豁塵襟  
柳營整肅聯蛇鳥  
桑土綢繆計雨陰

善都統凱旋  
衆皆拊賀

仙客緱山笙縹緲  
將軍

大樹壁巖森

全師而還  
兵家上策

謳歌難閱煙霞癖  
慚說成連滄

海琴

小圃偶吟

小圃間行絕點埃  
秋光詩意兩徘徊  
綠槐陰古扶雲直  
紅蓼花欹就地開  
多雨喜看芳草縵  
涼風時共故人來  
羣蛙鼓吹蟬琴和  
滿耳清冷天樂猜

贈北營壽舟安喜五律

未稱侯封志應憐  
骨相寒問名誇燕  
喜得姓協鳩安似  
此眞耆老相逢契  
古歡好持一罇酒  
佳夢話邯鄲

徐壽蘅同年雅集於十刹海酒樓卽席有作敬步

元韻

玉井蓮花紅錦圻湖鏡鎔銀光灌辟水佩風裳洛浦神

飛觴醉月長庚迹蝦菜亭頽慨葑田

水中亭曰蝦菜亭今亭圯址存

茶

陵詩龕名爭妍

前明李西涯我法時帆祭酒居均附近

朝徐公城北人推

美孝穆江南品欲仙朝士連翩功率救共翊龍圖輝鳳

紀羨君步武接薇垣老我菊松荒栗里追琢李杜笑談

閒桑者十畝歌閑閑一時庾亮登樓興千古吳中消夏

灣

善厚齋都統謂地似莫愁湖故未句及之

種榆主人以園中蕉花詩索句卽次其韻

隴西語鳥來華堂日南卉木紛馨香小兒坡羊絢芳草

平泉綠野爭輝光種榆仙客自瑤圃天上白榆栽下土  
梧竹陰濃琪樹森芭蕉葉大瓊葩吐童子驚呼捧日葵  
雨醲膏沃甘如飴人緣鳳尾誇瑞應我亦鹿夢參離奇  
豈是杜鵑重九見水流寸許桃花片抑或祥徵金帶圍  
揚州芍藥開嘉宴幾多名士發謳吟太平潤色留佳音  
昆蟲曾否示吉讖胡蝶飛玉蝸牛金

題裕石卿中丞壽芝圖

臺枕煙霞漢定王白雲明月豔瀟湘古甌遠勝鴛鴦瓦  
吉語輝煌樂未央

煜爚靈芝綺皓身八千秋祝八千春海琴妙繪雲仙頌



我亦題名附德鄰

揚海琴郭雲仙二公均有年世誼故云

醕邸餉深州佳桃並系以詩次韻致謝

涉園成趣戶常關俗慮消融付等閒黃綺心遐青嶂曲  
紫芝香老白雲閒

龍光雅企煙霞氣鳩仗慚叨令僕班如斗蟠桃欣拜賜  
恍餐靈藥大丹還

七月二十九日偶成

嘯傲山前復水前秋光荏苒又今年夢醒蟋蟀紅蕉隴  
涼潑梧桐白露天杜老詩懷罇酒共放翁畫稿月輪圓  
看花領取蕭閒趣蘭桂香風似洞仙

夢中

胡蝶翩翩足勝游  
夢中身世羨莊周  
紅蘭丹桂有餘味  
玉露金風無限秋  
宜雨宜晴安節序  
好山好水傲公侯  
詩家意境饒清曠  
海外何須問九州

酩邸有中秋賞月之作敬次元韻

銀雲湧獻水晶盤  
俯仰清光滿畫欄  
丹桂騰香秋興足  
素娥耐冷道心安  
海中珠蚌分輝易  
天上霓裳和曲難  
笑我希蹤蘇玉局  
乘風歸去怯高寒

酩邸以中秋感懷詩示卽步元韻

蹀蹀鵝鵝瑞應雙  
瀾滄江控富良  
江直教白象諸夷靖

豈止朱鷺四路降萬里風帆恬外府一輪月鏡朗中邦  
天心似助詩王興金粟花濃酒滿缸

醕邸以巡視外城隄詩示卽步元韻

桂花風豔蓼花秋玉勒金鞭如意驅曲岸周環勞蓋系  
名王安雅勝儒流功成合等紅旗捷兵戢長銷紫塞愁  
節度使兼蒼水使班生應快筆先投

張帥曜先文後武  
今又以提督改官

中丞勝定  
遠侯遠矣

金湯至計切經營懿鑠鴻規鞏

帝京幾處畫船添樂利一朝攬轡喜澄清芙蓉綠水新  
詩橐揚柳西風旅客情卅里巡行留勝蹟都人指點畫

圖成

秋郊竹枝詞

曉色蒼涼麗澤門倚虹堂外擁山村長河沿岸依依柳  
翠冷鶯巢燕壘痕

流水平橋位置宜槿花籬接豆花籬幾家別闢新花樣  
夜落金錢向日葵

山容水色路三叉可有餘杭仙姥家小住爲佳兒輩喜  
紅梁新釀紫茸茶

漱玉泉清塔影圓叢林北指鬱蔥連入門瞻拜黃金像  
始悟西山自在禪

卧佛寺偶成

古寺鯨鐘鏗鞞撞詩心振觸賈長江夕曛紅樹明逾豔  
晚節黃花氣未降字笑書空鴻一一螯供遣興蟹雙雙  
重陽屈指娛登眺太華峯頭醉玉缸

偶參禪悅戲疊前韻

歸鳥投林落葉撞雲臨遠岫月臨江樓臺最與仙居稱  
龍虎誰真道力降金鏡虛明心抱一玉壺澄澈影成雙  
眼前景趣皆禪悅笑飲松花酒數缸

山寺曉起雨中作

偶來蘭若暢閒情輕煖輕寒旅思生萬壑煙雲紛變態

四山風雨助秋聲，催租興阻潘邠老。謫宦詩吟劉長卿。  
長卿過賈誼宅詩有秋草獨尋等句讀之悵然我自優游殊往哲喜聞唧唧草蟲鳴

再疊前韻

秋色無邊悅性情，菊香松影趣環生。野雲別具千霄勢，  
山果時聞墮地聲。岩穴楓人疑鬼魅，檀蘿蟻國自公卿。  
退翁亭水清涼甚，滿耳跳珠戛玉鳴。

西山放游卽事

連番新雨作秋涼，晴訪名藍陟彼岡。到眼萬峯皴古畫，  
歸程一路愛斜陽。漫游時喜逢僧話，小住仍居選佛場。

樂意不妨兒輩覺陶然任舉菊花觴

再疊前韻

名山共羨小清涼遠勝藍田華子岡鴻雁摩空秋萬里  
茱萸綉采古重陽云何龍象精嚴界竟現笙歌傀儡場  
蘇晉逃禪應戀此拈花一笑累千觴

寶藏寺感懷

宮監香清彌勒龕更誰稽首禮和南人民城郭愴今古  
老木寒林蒼雪庵

樓閣參差耀彩霞青龍橋北梵王家寺稱寶藏名無忝  
金粟花迎鐵樹花

重九卽事

一朵紅雲捧玉皇

蘇句

木蘭陀古啟金閭登高愧少凌雲

筆祇此丹誠答上蒼

香山木蘭陀寺俗呼爲玉皇頂地極峻阻

南北山頭笑語喧石頭敲火炙肥鮮如陵肉並如灑酒

勝賞殷家紅杜鵑

不羨藍田崔氏莊齊安插菊亦疏狂重陽解助詩人興

喜我佳兒鱉酒香

禮兒專人獻酒物致星姪語謂助佳節詩興云云

山寺晚眺

曳杖徘徊古寺門天風浩蕩地形尊虬枝翠繞繞樹邊樹

鴉陣蒼茫村外村南服鴻功昭石壘

雲梯營界各有磯樓平定兩金川之



餘烈也 西方象教警塵根何當賣畚來王猛按膝雄談看

蝨捫

普覺寺步月用杜工部龍門奉先韻

古佛瞻臥游飛仙此靈境薛砌漾蟾光松梢明鶴影秋  
深夜氣澄地遠塵心冷胡蝶夢中人清鐘孰喚省

聖水寺

廟碣今名青  
龍山福慧寺

無限登臨興龍山景趣超白雲低倦鳥黃葉豔歸樵  
捷輿夫健熊蹲石氣驕茲游洵快意福慧證逍遙

龍山七律

佳節重陽昨倏經遨遊更此筍輿停紅黃葉燦珊瑚樹

遠近峯環翡翠屏  
逐物鷹鷂依草掠  
吟秋蟋蟀雜泉聽  
菊花新釀膏騰醉  
笑鬪松根採茯苓

五華山絕句

仙心佛慧共壇場  
柏子松花滿地香  
詩境清幽塵境隔  
五華山麓月如霜

西峯斜控水源頭  
峯自青蒼水自流  
父老不知孫少宰

退翁亭址野花秋

亭圯止  
存野屋

讀元微之故宮詩感而有作

璇宮雲護最高層  
金鎖重門付衲僧  
秋草西風行輦路

有人倚樹坐調鷹

清夜吟

果然是地覺清涼

是地清涼匾額  
高宗御書

鐘磬敲風俗慮降松

竹也如人澹定影隨山月上紗窗

讀明道先生閒來無事句戲踵其韻

乾坤浩蕩總包容松竹青蒼楓柿紅恬澹幾人陶靖節  
粗豪一代李空同曠懷化日光天下寄興輕裘緩帶中  
拄笏看山多爽氣太行聳翠古今雄

游山返轡偶成一律

盎然元氣養天和陶寫詩魔併酒魔豈有田園蕪粟里  
且隨笠屐仿東坡清風明月怡情久紅樹青山入夢多

親舊都門增樂趣蟾宮織記話登科

近日鄉試親朋中式者頗不乏人

醕邸嘉獎游山諸作卽步元韻

喜讀逍遙莊子篇好山好水證前緣  
幾人繡虎才無敵一指天龍靜悟禪  
花月平章隨唱和松雲棟牖仰神仙  
登高東望欣遙頌佳氣蔥蔥鬱鬱然

西風作寒 醕邸寄詩致慰卽次元韻奉答

鳴冬風力勁落葉任顛狂熱惱全除掃  
仁聲自奉揚煙雲歸鼓盪松菊寫洪荒  
作意催花信東君閒亦忙

題夢蓮親家同年夢迹圖

一枕生花夢蓮臺證夙因韋丹彰茂績

定州保定政績炳然

李白

想前身峻望洵馨潔高才孰等倫故交親炙久展卷更相親

阿弟舊蘭盟

東山侍郎  
丁酉同年

詞壇馳盛名後賢羣卓犖

秋泉  
都統

葛民方伯  
兩嗣君亦尋當鵲起矣

五嬌女耀艱貞

季女紹蓉爲曾  
姪聘妻過門守

貞奉  
旨旌表

太華高柯幹濂谿古性情芙蓉城縹緲位業仰

蓬瀛

醕邸招飲賦詩致謝

嶺梅綻蕊小春迎綺閣風香寶篆縈素月紫雲唐法曲

銅琶鐵板宋宮聲兒童喜與瓊筵坐

星姪禮兒  
均得與坐

幃載同瞻

壽宇宏

是日在萬壽花衣期內

自愧菲才詞鈍拙聊摹鼓腹效

歌賡

醕邸賜和誌謝之作再疊前韻

柴門野鶴朵雲迎珠玉騰光墨彩縈斜日正慚樗櫟質

仙風幸接鳳鸞聲堦篔簹當代訂謨遠楨幹駢枝化澤宏

心泉貝子蔭坪上公均有和作

天壽萬年民共樂同欽益贊協臯賡

心泉貝子和章見示因疊韻奉答

綺席聯歡善氣迎詩書興味羨迴縈

聖朝喜贊延鴻業同列爭傳通駿聲佳句驚人來謝眺

高懷嘯月邁袁宏年年

壽宇笙歌協敢以衰頽懈載賡

醕邸海淀試馬歸以詩見示仍疊韻答之

碧巘丹楓夾路迎珊瑚鞭裊翠煙縈擎天久羨經綸手

掣電如聞赫濯聲武略精嚴防逸豫

來示有髀肉之感等語

文思

鬱勃寫崇宏感懷我亦低徊切山水清音韻舊賡

咸豐二年

正大光明殿大考詩題爲山水有清音低徊往事何勝棖觸

醕邸偕心泉貝子淀園暢飲以詩見示五疊前韻

正擬東園擁篲迎欣聞驥逞轡交縈四圍紅樹青山裏

一路金昆玉友聲畫景荒寒添趣逸詩懷豪放發音宏

菊花籬落臨風笑喜待嘉賓俊句賡

醅郎同心泉貝子東園賞菊有詩紀事六疊前韻  
東王駟從五雲迎仙侶偕來紫氣縈十月小陽暄令節  
三唐高格誦和聲淵明花瘦丰神遠北海樽空雅量宏  
更喜早春邀勝賞探梅佳句擬重賡

賞菊次日晨夢初醒 醅郎詩筒已至七疊前韻

羅浮大蝶夢中迎仙趣詩心兩拂縈遙想雲箋欣命使  
尙疑蓮漏未停聲星雲手筆騰光焰海岳胸襟羨遠宏  
佳興軒軒春信早梅花玉笛笑同賡

醅郎復疊韻見示八疊前韻奉答



紫翠屏開夕照迎式如金玉慕思縈堂階恐拂山林氣

前一日趨邸  
未肯摳謁

瓊玖仍來罄咳聲

同寓已有西旅貢珍簪  
和詩致意

策遠東都賦麗取材宏耄年幸樂

昇平世雅頌隨時次第賡

醕邸和庚韻以閱世命題恭和奉答

變現浮雲笑俗情好從石上話三生斟宜闔苑羣仙酒  
聽喜鈞天廣樂聲鸞掖鯉庭楊汝士曉風殘月柳耆卿  
秋山游眺仍參悟老鶴鳴兼絡緯鳴

心泉貝子以詩見示卽次原韻二首

銀潢砥柱鎮中流桂馥蘭芬興味投仙品出塵全避俗

春風入坐不知秋魯侯派衍諸姬長荀令香清十日留  
行見

聖恩隆倚昇樞機鉅細仗深籌

漱石何妨更枕流木瓜木李笑分投

西山之游野老以瓜壺見餉亦隨分

答之月波滿地菊花影雲樹連天楓葉秋柳下去官思戀

魯子房辟穀話封留睡紅窗日從容甚慙說雞人報曉  
籌

次心泉貝子韻兼呈 醕邸

疑是天門詆蕩開光芒稠迭使星來金鰲手掣驚神力  
繡虎心雄逞異才鳴盛文章今李杜救時經濟古伊萊

武公晚歲猶勤學，狂狷深祈哲匠裁。

奉和 醕邸誌感一章九疊庚韻

柔遠儀文縟，送迎每因膠。執費纏縈謙，光品重圭璋。器  
泰定神祛，豺虎聲河嶽。千秋昭界畫，乾坤兩大樂。含宏  
西粲南雉歸，文德酒醴笙簧。

聖代賡

自笑一首疊十一尤韻

自笑金門大隱流，江淹夢冷筆全投。樓臺得月風煙靜，  
松竹凌霜天地秋。綠酒喜邀佳客醉，白雲時共老僧留。  
詩王更快詩仙並，嘉會期同海屋籌。

課經一首疊十灰韻

功德池蓮爛漫開前身金粟拜如來圓通佛果澄真性  
亂落天花笑辨才迎謁或傳蘇玉局

五祖戒和尚  
蘇子瞻專

文章

終愛呂東萊恆河世界多如許  
帝治無爲仰化裁

醕邸疊十灰韻以臺萊之句相貺步韻誌謝

衰齡豔說綺筵開歲月堂堂八秩來元聖壬林榮雅樂  
十月曾拜音樽之賜野人亥算笑凡才朝無勳業慚裴令家有兒  
童戲老焚厚賜殷拳銘感甚南山佳什拜心裁

次 醕邸詠西園韻

茶清當酒飲瑤卮黃菊霏香竹亞枝猿鳥喜同山澤逸  
亭臺全作畫圖疑人欽雄略神常暇客戀名言去每遲  
翹首西園無限好煙霞紫府有餘思

奉答蔭坪上公十疊庚韻

笙歌嘉會笑承迎香靄氤氳佳氣縈萬卷書中流雅韻  
五雲多處振賢聲天開星漢光華熾人仰躬桓器局宏  
我愧菴荒無俊句勉隨糺縵效同賡

醕邸以名酒老梅持贈再疊支韻銘感

彩溢流霞金屈卮春光同挹玉梅枝醉添太白狂吟發  
香引師雄好夢疑化國有天皆浩蕩衡門如我任棲遲

灞橋風雪關廛念豈爲詩翁驢背思

和醕邸望雪七律仍疊前韻

鑪紅獸炭酒盈卮徙倚閒階柳栗枝雲冷林端寒雀噪  
冰聽河畔野狐疑葛三入畫仙蹤渺

用崔希真老人遊雪事

鄭五

尋詩雅興遲

聖主虔祈

昭格速祥霽定慰兆民思

醕邸復疊灰韻以望雪見示步韻奉答

同雲萬里合仍開日出頻驚杲杲來未必元冥屯厚澤  
云何風伯炫雄才蒸騰地寶祈神媪祥瑞天書鄙寇萊

餉撥工停隆

感召

慈恩拜頌

聖心裁

楊蓉浦學使賦詩言別因疊支韻奉答二首

驪唱聲聲酒泛卮  
驛梅香擁玉交枝  
冰心一片清無滓  
金鏡千秋朗不疑  
遠興登樓懷庾亮  
奇才織錦夢邱遲  
鎬豐人士多雄俊  
芹藻騰芬慰我思

狐白裘兼鸚鵡卮  
春風桃李萬千枝  
起居愼切調溫肅  
聞見多仍闕殆疑  
鑿拔士羣欽識卓  
景行人定恨來遲

老懷我久能超曠莫厚雲山縹緲思

冬至日

天開子運喜良辰長至年華暖欲春剝復萬端歸象數  
貞元一氣轉鴻鈞葭灰蓬勃黃鐘應梅影橫斜綠萼新  
珍重光陰分寸惜五紋添線幾何人

瑞雪口占

萬里碧雲陰瓊瑤忽滿林馨香

明主德歡抃兆民心綠酒螺杯興青衫驢背吟功名誇  
李愬淮蔡笑成擒

雪意疊前韻



訪戴話山陰梅花香雪林北南多異趣雲壑總退心先  
霰邀天貺呼鷹快野吟指揮飛將獵狐兔縱仍擒

恭邸以集錦閒居詩贈次韻奉答

大江東去浪高閣撼松寥昔日姬公旦仙風王子喬古  
香芸葉釀小隱桂叢招暫袖經綸手翩然遠世囂  
成佛升天事何人競後先清涼圓鶴夢騰躍駭鳶肩頑  
石娛閒靜鳴泉愧細涓陽春酬和窘怕寫浣花箋

以詩代柬寄戴漁青編修

天驚石破物情驕名姓端宜藍榜標星使幾曾消月旦  
風聞忽已達雲霄直陳文喜南豐切用猛尤偏東里招

珍重吾曹惟克己不須多口惡紛囂

蔭坪上公以和東園課經誌感詩見示因疊前韻

奉答

鳳雛驥子異恆流杯酒言歡意興投在抱奇文虹蘊采  
橫腰寶鏤水澄秋珮聲朝右珩璜肅詩句人間天地留  
自笑園林徒守拙羨公諸葛筆同籌

佛參布袋笑顏開掃盡浮雲好月來政典通明眞國器  
天機活潑卽仙才自然桐梓凌霄漢何待滄桑問嶠萊  
瀟洒宗之推玉樹青蓮界仰舊風裁

金碧樓臺翡翠巖北枝梅好更南枝詩吟競病曹侯健

字决推敲賈簿疑三徑蓬蒿誰仲蔚一心農圃獨樊遲  
茫茫今古紆懷抱無限登高望遠思

醕邸以詠電煤鐙詩見示次韻奉答

碧天如水湛玻璃幻出人間色相奇任取有材金作礪  
不須無當玉爲卮龍雷蛇電機神活松火蓮鐙景物宜  
世界三千誰洞照大光明藏切遐思

長佛薌都統以詩見贈疊庚韻奉答

草堂欣有故人迎別緒迢迢廿載榮蟾桂賢昆馨氣誼  
鯨濤夷孽震威聲趙充國策規模遠李贊皇詩口望宏  
聖世承平資碩畫寶刀金甲句休賡

長佛薌以灰尤二韻見和并附寄詩集因作長歌

奉答

玉梅花下交三九

古句

漏洩春光舒岸柳弄月吟風抒古

懷烹茶掃雪思良友故友翩然肯惠來將軍儒雅超桓  
起宦游碧海俯丹山徧閱白衣幻蒼狗感慨世局情激  
昂投以桃李報瓊玖會昌一品巨集成漢魏六朝羣彥  
耦搏雲兀傲鵬鳥翔據地震疊獅王吼近作更聞韶籟  
音展讀靈芬長在口祥暉孔翠喜垂肩威棱金印光生  
肘定知慧命佛西方不數尙書天北斗劍佩君誠磊落  
人逍遙我笑漆園叟皤皤臘鼓報年華種種嘉麻添歲

首相期紅杏碧桃開聽鶯共醉蘭陵酒

詠雪

凍雲匝野皓漫漫笑指梅花也怕寒  
千載奇功推李愬  
幾人高卧傲袁安  
水村山郭占豐歲  
玉宇瓊樓得大觀  
聖度虔祈昭感格  
士民旃旒頌臚歡

儒仙殿誌感仿游仙體

玉笛聲高引鶴羣  
蕊珠宮仰玉宸君  
蕩平道大歌如砥  
律呂功全響遏雲  
數典伏生存約略  
談空王弼笑塵氛  
三神山遠天風近  
一瓣心香寶篆焚

醕邱詩至兼有塞鵠之賜步韻奉答

天工人巧滿堂春秀奪山巔暨水濱鳳閣清幽開畫幃  
龍沙談讌羨詩人喀拉沁王能詩欣慕之至湘東墨妙輝金管瀛海  
風香送玉塵拜領珍禽豪興發卻慚雄武我難倫

讀史論詩步 醅邸原韻

古今一笑幾朋儔西岳真宜訪貫休道左鳴臯焉用嚇  
夢中蝴蝶了無愁是空是色澹相與誰毀誰譽迥不猶  
孔思周情歸渾化任他雜霸冒鴻猷

和 醅邸退朝詠雪原韻

飛花飛絮滿春城報曉鷄人訝夜明界闢大千驚洞澈  
神驅滕六作勛名黃羊綠蟻雄豪氣鳳炭龍茶雋逸情

誰似閒平鰲背客康年天降律和聲

雪意游仙曲仍用前韻

芙蓉萬本絢層城  
厯落天花耀眼明  
照座靈珠分月彩  
摩空羣玉愛山名  
鳳池香老鴛鴦夢  
龍塞寒深鴻雁情  
笑指飛瓊遊戲處  
八琅瓊雜珮環聲

醕邸以東韻詩見示依韻奉和

春滿乾坤萬物同

元旦立春  
相距五日

兒孫繞膝樂融融  
吹笙天

降神仙曲抱甕人  
鱗鬣鑠翁三徑祥  
雲叢篠碧一庭愛  
日老梅紅汝陽風度  
追隨慣瀟灑詩中與酒中

除夕口占

迢迢玉漏斗杓斜守歲詩吟幾作家聲勢萬端聞爆竹  
色空一例悟唐花案上唐  
花盛開春風暖入屠蘇酒晴雪香分  
顧渚茶俯仰蓬門笑從衆神茶鬱壘絢雲霞



文靖公遺集卷七終